

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1786 del 28/06/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 28 de jugn vegn fora la puntata #492 del program ladin per la televijion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 492.

I argomenc de chesta setemèna l é:

La prejentazion del prum album di Popcorner. La joena band fascèna l'à portà dant sie “Utar piata” en sabeda ai 21 de jugn aló da la Grenz a Moena. L album l tol ite sie cianzons originèles per ladin che les enresesc l argoment del mudament te desvaliva vides; n mudamnet che no semper l pel esser positif. N envit al publich a fèr na riflescion en cont del mudament e chel che l comporta.

Vedon ensema l ejit de la garejèdes de rampinèda states en sabeda ai 21 e en domenia ai 22 de jugn del 2025 a la ADEL Climbing Wall de Ciampedel. Do egn de Copa Italia n'autra bela sodesfazion portèda a cèsè per l Val di Fassa Climbing che de gra a n bel grop de volontadives l é stat bon de meter a jir na manifestazions de nonzech desche la tapa de Copa Europa Lead.

Te la rubrica de aprofondiment “Zebicher, per veder più davejin”: sion jic a se fèr contèr vèlch en cont del Ciastel de Andrac, te Fodom. Eleonora Demattia, Responsabola sezion musei del Istitut Cultural Ladin Cèsè de Jan, la ne à conta de chest lech fascinegol, pien de curiositàdes e rich de storia.

I report de chesta setemèna, enjigné da Sabrina Riz i vegn porté dant co la ousc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenia da les 13.30 (mesa la does domesdì) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramente se pel veder i servijes un a un su la piata Facebook de TV Ladina.

<https://www.facebook.com/TelevijionLadina>

(us)